

DE PROFLIGATO  
AD TIBISCUM  
MAGNO TURCARUM SULTANO  
AB ARMIS  
LEOPOLDI I.

INUICTISSIMI ET AUGUSTISSIMI IMPERATORIS

EPINICIUM

Habitu in aula maxima Romani Collegii coram

*Illustrissimo & Excellentissimo D. Comite*

GEORGIO ADAMO  
MARTINITZ  
ORATORE CÆSARIS

AD APOSTOLICAM SEDEM

A PATRE UBERTINO CARRARA  
E SOCIETATE JESU.



ROMÆ, Typis Jo: Jacobi Komarek Bohemi, propè SS. Vincen-  
tium, & Anastasium in Trivio. MDCXCVIII.

---

SUPERIORUM PERMISSU.

OF THE OFFICE OF THE  
MAYOR OF THE CITY OF NEW YORK  
IN THE MATTER OF THE

LEOPOLD

IN THE MATTER OF THE  
LEOPOLD  
IN THE MATTER OF THE  
LEOPOLD

GEORGIO ADAMO  
MARTINI

ON THE 15TH DAY OF  
JANUARY 1881  
IN THE MATTER OF THE  
LEOPOLD



THE OFFICE OF THE  
MAYOR OF THE CITY OF NEW YORK  
IN THE MATTER OF THE  
LEOPOLD

3

AUGUSTISSIMO  
IMPERATORI  
LEOPOLDO I.

FELICITATEM.



AMPLITUDINI *spoliorum*  
CÆSAR AUGUSTISSE,  
*maxima prædarum defuit*  
*Sultanus, satis ad trium-*  
*phi pompam, etiam solus. Evasisit, &*  
*vitæ forsan, ut pudori viveret, reser-*  
*vatus. Quantò futurus illustrior, si vel*  
*inter suorum cadavera quæreretur, vel*  
*ornaret Viennam dedecore captivitatis,*

*meruisset aut iram tuam , aut veniam .  
 Qualis ante , qualis post bellum fuit ,  
 talem cantatum ad Epicum cothurnum  
 Tibi subiicio Imperator Imperatorem .  
 Videat Majestatem quam læserit , &  
 poenas luat . Discat in posterum , nul-  
 lum esse telum magis fatale fœdifra-  
 gis Clementia tuâ ; Quæ irasci cum  
 nesciat nisi laceffita , quoties ulcisci  
 statuit , habet Vindicem Deum , & Su-  
 peros commilitones . Interim ignoscas  
 oro , si accessu nimis quam par erat ela-  
 to , Augustos tuos pedes tentaverim ;  
 Excusabis temeritatem , ubi respexe-  
 ris , audendi vitium nulli magis esse  
 commune , quam vatibus . Illud insuper  
 intrâ sacrarium tuæ mentis velim re-  
 ponas , quod de Te loqui CÆSAR si quis  
 audet , ignorat Magnitudinem tuam , si  
 non audet , humanitatem .*

# EPINICIUM.

**B** Osphore pande fretum, vix d vix sufficit æquor  
Bellorum spoliis; tuus ecce superbus ab Istro  
Sultanus remeat, reduci da gaudia, montes  
Perfora, & in statuas totam consume Corinthum.  
Festas tolle faces, nec ut unâ lampade quondam  
Sestus amica fuit nocturna per æquora nanti,  
Ardeat in furtum, flammis hinc inde levatis  
Tota coronetur, respondeat æmula contra  
Igne pari, tremulumque jubar, noctemque diurnam  
Sopitis pelagi Nymphis immittat Abidos.

Plausibus his, d Byzanti Regina, parabas  
Imperiosa tui reditum celebrare Tyranni;  
Delphicus hos tibi successus promiserat Augur,  
Quæque Mecæ colitur sub imagine Numinis urna,  
Ille redit, sed non qualis eum turgidus arces  
Iret in Ungaricas, Asiamque effunderet omnem,  
Et toties victus vultum victoris haberet.  
Scilicet exutus castris, opibusque, virisque  
Terga dedit, solumque illi Germana reliquit,  
Ut fugeret, Fortuna pedes, cladisque rediret  
Nuncius, utque tegat, malè fert quem fronte pudorem,  
Optat ut occurrat venienti Nilus, & unus  
Utriusque pudore caput defendat amictus,  
Jam satis experti Thraces à clade recenti  
Teutonis acta manu quid sanguinis hauriat hasta,  
Vulnera sed finita tamen ne credite pugnae,

Vulnera restat adhuc sentire poetica, vestra  
Romanus fama, quæ maturaverit arcus.

Arma ferunt vates, & plectro vindice pugnant,  
Sapè etiam gravius, quàm corpora, nomina pungunt.

Nec tituli nobis in amara poemata defunt:

Scilicet expulsi vobis Helicone Camenæ

Exilii memores, non ulla libentius unquam,

Quàm mala vestra canunt, præsentia dicere dulco

Carmen erit, facietque magis vindicta canoras.

Auditis? Digiti pulsan jam bellica fila;

Posthumus & laceras dolor ut quoque fauciet umbras,

Dum feriunt chordas, plus æquo inaseitur unguis.

Exquò servili rursus cervicem recepit

Ismarium Græca Alba jugum; ceciditque cruoris

Prodigus, ipso etiam non illaudatus ab Hoste

Italix Eacides Veteranus, & horrida mortem

Proferret nùm fama, diù cunctata pependit;

Intumuit de sorte Propontidis Induperator,

Erexitque animos, & toto hoc tempore quamvis

Marte sub ancipiti victoria Cæsaris hæsit;

Attamen assuetus jugi certamine vinci,

Cæsare non vinci, poterat vicisse videri.

Ergo ubi maturo præsensit idonea bello

Tempora, signa movet; qualis sub tempore veris

Prodit humo coluber, novus ore, feroxque Juventà,

Atque hyemis longà meditatum pace venenum

Colligit in fauces; pallent ad sibila Nymphæ,

Et florum immemores pratis fugere relictis

Non secus in bellum vires Orientis, & Austri

Ductor agit, Cyprios, Rhodios, Arabesque, Scythasque,

Byto-

Bystones, Armeniosque, sagittiferosque Gelonos,  
 Ultima præsidia Imperii jam cladibus hausti.  
 Detonat Ungariam supra, præsit horror euntem,  
 Famaque majorem vero prænuncia narrat.  
 Utque venit, quæ Tibiscus sibi nominis usum  
 Servat adhuc, Istri needum septemplex ore  
 Ebibitur, jussus majori cedere famæ,  
 Subsedit dubius, quæ nam petat oppida primum  
 Duplicis Ungariæ; pontem nunc cogitat Eseh,  
 Et modo conamen Solimani grande Sighetum,  
 Nunc intrat Varadini penetralia visu,  
 Regalemque Albam, toto sed pectore Buda est,  
 Invictas arces, quas per tot sæcula raptas  
 Regibus Ungaricis Domus Ottomanica rexit,  
 Invidet, & queritur raptas sibi, seque Latronem  
 Non putat esse, fuit longo quoddam tempore latro.  
 Dum quid agat, quod signa ferat, circumspicit, ecce  
 Temisvarensis fera constitit Arcis Imago,  
 Torva genas, propiorque viro, matrona, ferebat  
 In speciem comptus crinalem vertice lunam:  
 Bellatrix gravat hasta manum, nec ab Ægide quærit  
 Pectoris horrorem, suus est pro Gorgone vultus,  
 Tum sic orsa, sinit quantum natura, modestè.

Illa ego, si nescis Rex invictissime quondam,  
 Nunc invictè malis, sum Tesmivar: Unica resto  
 Vallum Asiæ, elypeusque Tui; quoddam sola relinquo  
 Arcibus è tantis, mereor Tibi carior esse,  
 Fida fui, servabo fidem, servare parata,  
 In mortem quamvis famis egerit ultimus ardor.  
 Prompta foro in medio, ne Victor opima reportet,



Longæ pacis opes crepitantibus urere flammis,  
 Meque cremare super, fidei memorabile nomen  
 Thracibus historiis, aliamque datura saguntum.  
 Ne tamen ammissis tot de custodibus olim  
 Nobilis Ungariæ, quod sum tibi sola superstes,  
 Desperare velis, reditura credere forti  
 Doctus ab hoste potes: quod nos sumus, ante fuere  
 Teutones, Ungaria pulsis fuit unica murus  
 Vienna, nec is tutus, muros obsedimus illos;  
 Et nisi, quæ vertit plerumque ingentia facta  
 Æmula fama Ducum, prædæque libido fuisset,  
 Regnares, ubi Cæsar adest, geminoque potitus  
 Imperio, nostræ colerent Capitolia Lunc.  
 At quia Vienna stetit; Germanis penè subactis  
 Viennensis dedit Ungaricum Victoria Regnum.  
 Tu quoque vince semel, stet Thesmivar, unica victis  
 Thracibus, Ungaricum reddet victoria Regnum.  
 Quod fieri ut possit, Dacis te iunge maniplis.  
 Dacia quantumvis modò sit sub Cæsare; non est  
 Cæsariana tamen; veteris memor illa patroni  
 Durat adhuc, nec, si Dominum, mutavit amorem.  
 Iussa quidem Victoris agit; Tibi pectore servit.  
 Te viso, tua rursus erit: tum victor ab alta  
 Ungaria armorum torrens revolutus ad imam,  
 Atque ex præcipiti violentior, obuja quæquæ  
 Sternet agens, Dominumque suum sua regna sequentur.  
 Hæc ait, indè viam, quæ tenderet, innuit hastâ.  
 Prima capit, siccoque super pede traycit amnem;  
 Seque, futura sui custodia, reddit in Arcem.  
 Civica sic nidum, si quando relinquit hirundo.

Quæ-



Quæsitura dapem natis implumibus aptam ,  
 Ut tandem reperit , prensūque tenaciter ore  
 Fidit onus rostro , quamvis per inane vagari  
 Defecata dies , Zephyrique suadeat aura ,  
 Prolis amans reditum properat , nec ad otia Cæli  
 Dulce finit desiderium divertere matrem ,  
 Talis & illa suos studiosa revifere cives  
 Festinabat iter . Vix declinaverat , iste  
 Edita , quæ dederat Matrōna , recogitat , utque  
 Æqua putat , raptim super amnis aquatile dorsum ,  
 Pontibus impositis , ripam committit utramque :  
 Inde jubet lectas Equitum præcedere turmas ,  
 Primum Asiæ florem , via lignea quadrupedantum  
 Trita sonat pulsu , bellumque reduplicat amnis .  
 Et quasi Sultano spectanti ex aggere plaudet  
 Flumen adulator , terfi sub gurgitis unda  
 Monstrat equos , equitesque , & euntem in prælia Lunam .  
 Ille videt , sequiturque Duces , atque ultimus inter  
 Vulgus equestre venit , tamquam sit Lucifer alter ,  
 Sidera quæ cogit , cæloque novissimus exit :  
 Jusserat alterius ripæ defendere tractus  
 Nervos militiæ peditem , contraque propinqui  
 Teutonis assultus , crudæ telluris acervo  
 Insuper arboribus montano vertice cæsis  
 Ædificare triplex , & ineluctabile vallum .  
 Stabat & hoc ; ignara tamen quæ sedula tantum  
 Turba pararat opus , magni sibi carceris instar ,  
 Ne fugeret , fabricasse situm , tumultumque futurum :  
 Cæsaris interea Zenthæ subsederat agmen ,  
 Terra obscura quidem , sed quæ venientibus annis

Ticino, Cannis, Trebiaque superbior ibit.  
 Hic ubi dum stratus per dura cubilia miles  
 Solvitur in somnos; credas divinitus illuc  
 Jussa soporiferi migrare examina Regis,  
 Sopitisque eadem Ducibus per mille figuras  
 Ante diem voluisse diem portare triumphi.  
 Ille videbatur jam jam sibi scandere vallum,  
 Cæsareamque Aquilam pulsa defigere Luna.  
 Ille equitare super spolianda cadavera, vitæ  
 Contentus spolio, nè se victoria prædis  
 Victa retardaret, locupleti parcere morti.  
 Si qua cupit de somnifero grege cominus umbra  
 Noscere, Germanus quantum terroris, & ira  
 Vel cum dormit, habet, satis est ut Turcica fiat.  
 Larvarum de plebe volant quæ somnia plebi,  
 Non eadem sunt missa Duci, quæ somnia portat  
 Regibus; eligitur major de fratribus umbra,  
 Portet ut Eugenio (dixerunt Morphea vates.)  
 Miræ opifex artis, quæcumque in luce fuere  
 Reddere sub noctem. Nemo felicior illo  
 Instaurator adest, fragmenta recolligit ævi,  
 Ponit & ante oculos, ne quæ periire, perirent,  
 Accipit os olim quod Lotharingus habebat,  
 Lotharingus amor Romanus, Cæsaris Athlas,  
 Invidia ætati venienti, gloria nostræ;  
 Accipit & voces, & consuetissima membris  
 Tegmina; claustra dehinc recludere murmure nullo,  
 Ut solet, augustale Sabaudi Principis intrat.  
 Parcus ubi somni sed &, hunc acclinis ad hastam  
 Carpebat, placidus toto nec corpore, campi

Bel-

Bellatoris enim facies, hostisque propinqui  
 Cura quiescenti nondum digesta redibat.  
 Sic ubi præcinuit docto lyra pollice mota  
 Ut chordæ silvere, manet tinnitus in illis,  
 Et dextera cessante, quies immurmurat ipsa,  
 Non secus ante animum sopiti Herois, & ora  
 Muta recurrebant veteris vestigia mentis.  
 Morpheus hæc delet, quantusque & qualis in orbe  
 Lotharingus erat, manifestum fecit in umbra:  
 Umbra hilaris tamen est, Majestas pristina manlit,  
 Et vox quæ fuerat, tùm sic audita profari.

Ora tui nostri non inficienda sodalis  
 Magnanime Eugeni: sumpsi, quæ ferre solebam,  
 Cum mortalis eram, quæ nunc fero funeris expers,  
 Æthere deposui: nostræ tibi copia lucis  
 Ne suspecta foret, nimioque nitore timeret.  
 Viximus unanimes animæ, dum vitæ maneret,  
 Ambo pugnaces, & amantes Cæsaris ambo.  
 Junctos Vienna duos habuit, Strigonia, Buda,  
 Nichesfel, Barcham, Canissa, superbaque frustra  
 Alba timendorum cinerum regalibus urnis.  
 Gloria si junxit, nos & junxere labores;  
 Una hyemes, unâ autumnos sub pellibus iisdem  
 Egimus, unâ lstrum galea potavimus; unus  
 Sæpè torus Ducibus saxum commune duobus.  
 Tantùm dissimiles; quodd in illis tunc ego castris  
 Dux fueram, Tu miles eras; sed tempore ab illo  
 Mens te nostra Ducem jam fecerat. Impiger ausis  
 Providus in subitis, animo, non stemmate tantùm  
 Regius, adversus vicina pericula fortis;

Ut

Ut nimium fortem de te mihi sæpè timerem ,  
 Jam tunc dignus eras , de quo sibi plauderet omnis  
 Campus , præsentique humiles submitteret hastas .  
 Nunc mea vota tenes , primæ Moderator habenz  
 Teutonici Martis , minor uno Cæsare regnas .  
 Dum novus Imperii , primæ fac ut alea pugnz  
 Vertat fausta Tibi , famæ ventura relinque  
 Bella gerenda tuæ , vice si te fecerit ista  
 Laurea victorem , pugnas exinde peractas  
 Ante tubam cernes , & erit pro milite nomen ,  
 Jam super extructis Tibiscum pontibus audax  
 Rex Asiæ , cupiens Dacis se jungere , flumen  
 Transiit , & largas equitatum extendit in oras ;  
 Altera ripa tenet peditem : Nunc tempus agi rem ,  
 Mutua dum medius commercia separat amnis .  
 Quare age ; fulmineas acies lux crastina cogat ,  
 Tempora neu differ ; Momento maxima eostant .  
 Non ego defuero , quamuis & abesse videbor .  
 Me Duce Miles eras , Duce Te modò militis ipse  
 Munus agam , volitabo super vexilla , measque  
 Quondam acies . Ne quære , reget quod dextera telum  
 Hoc erit . Hæc fatus , reteguit , quæ veste latebat ,  
 Cæsaris effigiem . Speculo Leopoldus aheno  
 Conspiciendus erat ; Vultus nec ut esse solebat  
 Imperiosus amabiliter , sed toruus , & acer ,  
 Atque minantis erat , premeret ceu cominus hostem ,  
 Mox ait . Hæc belli litem componet Imago .  
 Non feret hos vultus , campoque repentè relicto  
 Terga dabit Sultanus , equum latebrosa petentem  
 Non equitis calcar , sed desperatio punget .

Jam

Jamque Vale. Dixit, tenuisque recessit in auras.

Per somnum Eugenius quem cum vidisset abire,

Quò fugis? Exclamat: Remane: cape nobile dextram.

Rursus onus: Te redde tuis: Neu crede latere,

Mutatus venias, dederis si iussa, sequemur.

Clamabat: Remane; fugientis & insuper umbram

Ibat in amplexum, quam cum strinxisse putaret,

Qua reclinis erat, manibus jam strinxerat hastam.

Voce sua, bellique flagrans propioris amore

Excutitur, somnumque fugat, mox talia secum

Somnia vana quidem, tamen & per somnia sepe

Vera monent superi: sed qualemcumque futuri

Spondeat eventum belli fortuna, prioris

Obsequii, Lotharinge memor, parebo vel Umbræ.

Dixerat; accirique intra tentoria raptim

Concilium jubet Heroum, Tum Maximus ipse

Incipit. Augusti Proceres, quibus æstimo non tam

Imperitare, mihi quàm sit parere decorum.

Ecce dies tandèm, quæ testatura sit armis,

Quantus honor nostris, quantusque in pectore Cæsar

Hactenus arce sedens Rex Thracius Helleponti

Miratus velut è specula Germanica signa,

Nunc & adest, adeoque minax, absolvere ut ore

Posse putet solo quasi per compendia bellum.

Sed domitus, sed victus adest, prodire coactus

Carcere deliciis Afrix muliebriter uncto.

Fretus avis, Dacisq; rebellibus, Agmen equestre

Ulterioris aquæ trans littora turbidus egit:

Alterius ripæ custodia tradita turmis

Vallati peditis. Nunc, ò nunc tempore raptò

Uten-

Utendum, vires medius dum segregat annis.  
 Divideret ferro Teuton, si tota coirent  
 Agmina, quid peraget tunc, cum divisa videbit?  
 Fossa sed est triplex, & inexpugnabile vallum?  
 Miles at est idem pugnae in pulvere Budæ;  
 Qui super emicuit gemini fastigia muri,  
 Incoctæ vallum telluris adire timebit?  
 Adde quod illectus prædæ regalis amore,  
 Esse ibi Sultani dum scrinia sperat, & arcam,  
 Militæ fossas Pervana æraria credet.  
 Præmia sollicitant animas tamen ista minores.  
 Mentibus Heroum non est nisi Gloria calcar.  
 Quidquid apud Viennam Turcarum ferreus ignis  
 Polluit, insultans augustæ mænibus urbis,  
 Jam satis eluimus: licuit transmittere longe  
 Ungariam, pictamque oculis exponere Romæ,  
 Oppida capta manu, nullum non sanguine lictus  
 Decolor, & truncos inhonoris cornibus amnes,  
 Cladibus his fateor fuimus feliciter ulti  
 Temporis illius labem; fuga Cæsaris una  
 Restat inulta tamén; Sultanus vocibus istis  
 Rebus in extremis etiam sua vulnèra palpat.  
 Induperatorem Viennâ dare terga coegi.  
 Vestrum erit, ò Fortes, hodie modò bella velitis;  
 Cum Duce castra suo toto sic pellere campo,  
 Cæsaris ut profugi post hæc meminisse recuset:  
 Ne pudeat meminisse sui. Fuga Cæsaris illa  
 Non fuga quantumvis fuerit, potiusque recessit,  
 Quàm fugeret, qui sic fugit, bellaret ut absens,  
 Grandior & nunquam fieret, quàm Marte sub illo,

Quo



Quo Reges septem vidit sub signa, sui que  
Stare loco, milesque fuit pro Cæsare Cælum.

Hæc ait: & longè, quàm sandi copia, causam  
Oravit facies plusquam mortalis; in illo  
Jam ventura legi poterat Victoria vultu.  
Curia mota Ducum bellum conclamat: ad arma  
Excitus è stratis Miles respondet, & arma,  
Quæ videre manus hilares per somnia, stringunt.  
Classica jamque sonant, tuba nec vocat ærea campum  
Jam vigilem, vocat Auroram Gangetide porta  
E desiderio pugnae torpescere visam.  
Illa venit, solitoque comas ornatio effert,  
Et tamquam spectare dies memorabile bellum  
Appeteret, sine nube fuit: properatur in hostes,  
It properus, cum lege tamen Germanus, & ante  
Advenisse vident, possent quàm dicere, venit.  
Postquam detonuit fulmen, ceu surgit arator,  
Quem procul à tauris stravit fragor; anxia primum  
Lumina circumfert per olentem sulphuræ sylvam.  
Ut videt ex illo, quod cernere colle solebat,  
Percussam flagrare casam, miratur, & horret,  
Iraisci vel pauperibus didicisse Tonantem.  
Teutone conspecto sic totus inhorruit artus,  
Percussusque stetit Visirius; utque redit mens,  
Quod ferus in subitis dictat dolor; oculus omnem  
Custodem fossa venientibus obycit ignem.  
Falcones, Tormenta; Colobrinæque, sceloposque;  
Ollas, & Bolides, & nostra quot addidit ætas,  
Ignis opificio mortis discrimina morti.  
Tota volare putes armamentaria Thracum



Germanum contra ; contra tamen ille pilarum  
 Urget equum , nimbos , & concipit ignibus ignes ,  
 Consentit sonipes , & tamquam pondere noscat ;  
 Quem vehit Heroem de semine Bellorofontis ,  
 Aerium sibi quærit iter , saltuque volanti  
 Bellatorem equitem valli super ardua desert .  
 Ille tenens apicem , quos invenit , opprimit hostes ,  
 Et defensor adest , cuius muniminis ante  
 Expugnator erat ; punctim , cesimque trucidat  
 Nunc hos , nunc illos , ceu lingua volubilis anguis  
 Exerto cum dente micat , licet una ; videtur  
 Mobilitate triplex ; non segnior unus & idem  
 Creditur esse triplex in dextra Teutonis ensis .  
 Obtutus celeris delusus imagine motus  
 Vera putat non vera , fidemque timentibus auget ,  
 Parte alia clypeis scalarum ex ordine nexis  
 Conscendunt pedites , & inundant agmine fossas ,  
 Reddidit illa dies Thebas , quot culmen in illud  
 Enixi , tot Capaneos Germania vidit .

Ut iussi Thraces virtuti cedere vallum ,  
 Mandant bella fugæ , Victor cedentibus instat ,  
 Nunc fude , nunc plumbo fugientia terga cruentat ,  
 Terga pudenda quidem , nisi vulnera plena pudore  
 Gloria corrigeret dextræ ; quæ vulnera fecit ,  
 Advolat , ut vidit trepidare Visirius alas ,  
 Et procul . O Frustra proles mavortia Thraces  
 Quò ruitis ? Revocate gradum : nisi vertitis ora ,  
 Solus in arma ferar . Moriar ; sed & ante licebit ,  
 Qua perii , vidisse manum . Sultanus an arma  
 Venit ad hæc , ignominix spectator ut esset ?

Credite vos campo patrias hoc cernere vestras,  
 Hic Memphim, Babilonam, Cyprum, Cretamque Rhodumque;  
 Vosque exhortari, monstretur ut ardor auitus,  
 Et cuius patriæ virtute probetur alumnus.  
 Nec modo me valli tangit iactura relictæ;  
 Gratulor amissum: Discet Germania posthæc  
 Pectore nos potius, clauso quàm fidere muro.

Voce Ducis, cœu cote, redit magis aspera vinci  
 In profugos Virtus, irritaturque pudore.  
 Nec mora: Consistunt, conversisque oribus hostem  
 Aggrediuntur: adest Visirus in agmine primus  
 Altus equo, frameamque rotat, tot fata, quot ictus  
 Ingeminans. Quicumque cadit de Teutone miles  
 Non impune cadit, mutilusque, lacerque minatur,  
 Circuit, & moriens supra quem palpitet hostem.

Austriaci cursum gladii retinere parumper  
 Hic potuisset obex, sed tempestivus ovanti  
 Visiro, & pauca peditum de cæde superbo,  
 Advenit Eugenius, qui postquam pectore vidit  
 Sythonii pendere equitis regale sigillum,  
 Visirum ratus esse, meus meus iste, minaci  
 Majestate tonat. Nec fatus plura, volucrum  
 Egit equum, mediaque in fronte recondidit hastam.  
 Mox ait: I mahes Solimano Nuncius, illi  
 Successum memora certaminis, Ungariamque  
 Cæsaris esse refer. Dixit, nec plura moratus,  
 Quod se cumque rapit, stragemque, metumque propagat.  
 Qualis ubi lumen, media quod fronte gerebat,  
 Sensit abesse Cyclops, huc impingebat, & illhuc,  
 Servatus vitæ in pœnam, rabieque vorandus,

Quoli-

Quolibet ut passu, pino duce, nec bene firmus,  
 Speraret semper, numquam laniaret Uliſsem.  
 Talis ab amoto Viſiro exercitus ingens  
 Errabundus in hanc partem, raptatur & illam;  
 Saucius hic, mediusque ſui fugiebat in antra,  
 Vulnere commendans ſylvis, moriturus ibidem,  
 Ne procul à nido quærat vulture paſtus.  
 Pars equitum potior, peditumque hauritur ab amne,  
 Nec tantum deportat aquæ Tibiſcus ad Iſtrum,  
 Tibiſco quantum viſum fluxiſſe cruoris.  
 Credi Erebus potuit tot deſcendentibus umbris  
 Anguſtus, coeunt nova circum examina manes,  
 Grandia Teutonici mirantes vulnere ferri,  
 Perculit interea luctus prænuncia fama  
 Regnatorem Aſiæ ripæ ulteriora tenentem.  
 Ter laturus opem, pontem tranſmittere adortus,  
 Ter remoratus ibi eſt. Tandem calcaribus actis  
 Impellebat equum. Tunc Lotaringus aperta  
 Nube, Leopoldi vultum radiantis in ære  
 Obycit: obſcurus belli ferrugine campus  
 Exvitur, redditque diem: tam clarus ahena  
 Et viſu horribilis prorupit ab Icone fulgor.  
 Utque Syracuſas olim obſidione premente  
 Magnæ Urbis clypeus ſpeculum fuit; Undè coegit  
 Prò muris bellare diem, perque ignea ſolem  
 Vitra laceſſitum mediòs excuſſit in hoſtes,  
 Marcello mirante faces quâ parte, vel undè  
 Mulciber in naves Ætna parcente veniret.  
 Cæſaris haud aliter dare fulgur ahenea viſa eſt  
 Et tonitru pupilla, jubar non ſuſtinet ardens